

clesia remorari, et ante quoddam altare secretius psalmis orationibusque vacare. Eadem vero nocte qua sibi divinam in brachii sui curatione senserat adfuisse præsentiam, ad dulces quas solitus fuerat frequentare latebras devotus accessit. Prostratusque Deo et sancto confessori suo Edwardo, pro accepto beneficio agit gratias, supplicat pro non accepto. Nec præsumptioni sed fidei ascribendum, quod triplicari sibi cœlestia munera precabatur. Instat igitur, plorat et orat, lætus pro brachio, sed pro pectori tristis. Inter orandum autem, e corpore sudor copiosus egrediens spiritum reddidit solito fortiorum. Pectus deinde cœlesti quodam rore perfusum solitam recepit sanitatem. Superat adhuc pedis angustia, quæ eum fratrum suorum interesse conveniuit non sinebat. Itaque cum in cella infirmorum cum alio quodam seniore decumbens, die quadam circa solis occasum mutua se collatione resiliunt, et inter colloquendum beati regis virtutem suavi sermone commemorant. Tunc ille qui jam fuerat dupliqui morbo curatus : « Quam magna, inquit, multitudo

A potentiae ejus, frater charissime, quam ego peccator in memetipso expertus audeo dicere, quia quidquid voluerit, a Domino Deo suo facile impetrabit. » Sic ei miraculum quod in se fuerat operatus exponens, pedem extendit intolerabili quodam tumore deformem; et : « Si hunc, ait, pedem mihi sublato dolore sanasset, nihil est quod ulterius petendum ab eo æstimasse. » His sermonibus se consolantes, sole ruente lectulis sese recipiunt. Mane autem facto, surgens is cui pes doluerat, solito manum apponit dolori, sed nihil in pede quod vel tumeret vel doleret inveniens, sensit se per beatum Edwardum perfectæ sanitati donatum. Exclamat cum gaudio, et pandens sociis tam cœlestè miraculum, ad amandum dulcissim, et laudandum devotius, et expressius extollendum tanti meriti patronum omnium corda commovit, ad laudem et gloriam Domini nostri Jesu-Christi, cui est honor in sæcula sæculorum. Amen.

Explicit Vita sancti Edwardi regis et confessoris, cum miraculis ejusdem.

DE SANCTIMONIALI DE WATTUN.

(TWISDEN, ibid., p. 415.)

De quodam miraculo mirabili, auctore Aluredo abbe Rievallensi.

Miracula Domini et manifesta divinitate pietatis indicia scire et tegere, portio sacrilegii est. Quod enim esse potest præsentibus ad consolationem, ad ædificationem posteris, omnibus ad devotionem, indignum est cunctorum notitiae deperire. Sed plerunque multorum nos terret ineptia, qui vel invidia tabescentes, vel infidelitate languentes, de his quæ bona sunt, vix de quoquam suis credunt oculis, ad credendum vero de quolibet ea quæ mala sunt, levi tactu aurium inducuntur. Hinc est quod rem mirabilem et nostris sæculis inauditam tibi potissimum, pater amantissime, credidi revelandam, cuius sancta simplicitas bene sentire de omnibus, de nullo absque certis indicis sinistrum aliquid suspiciari consuevit. Nulla sit de verborum veritate cunctatio, cum ea quæ dicenda sunt, ex parte propriis oculis viderim, omnia autem mihi tales personæ retulerint, quas nec ætatis maturitas, nec spectata sanctitas, ulla sinerent ratione mentiri.

Inter monasteria virginum quæ vir venerabilis ac Deo dilectus, pater et presbyter Gillebertus per diversas Angliae provincias miro fervore construxit, unum in provincia Eboracensi situm est in loco qui aquis et paludibus septus ex re nomen accepit. Dicitur enim Wattyn, id est humida villa. Qui quondam, ut refert in *Historia Anglorum* venerabilis pre-

C byster Beda, magno sanctorum mulierum pollebat examine: ubi et beatus pontifex Joannes, puellam ob incultam sanguinis diminutionem fere desperatam, salubri tactu et oratione sanavit. Quoniam igitur in eodem loco prædicti patris industria renovatur antiqua religio, antiqua nihilominus miracula renovantur. Ita quippe ibi Christi ancillæ, inter quotidiana manuum opera consuetudinemque psallendi, spiritualibus mancipantur officiis ac cœlestibus intersunt theoriis, ut pleræque quasi valedicentes mundo et omnibus quæ mundi sunt, sœpe in quodam indicibiles rapiantur excessus, et angelicis videantur interesse choris. Crebra eis cum bonis spiritibus confabulatio, a quibus nunc corripiuntur, nunc erudiuntur, nunc de certis necessariisque præmuniuntur. Tanta inter eas videtur dilectio, tanta pro invicem sollicitudo, ut cum una obierit, cæteræ nunquam cessent a precibus, donec vel de poena ejus, vel de gloria certum eis aliquid eluxerit. Inde est quod non solum ut sieri solet in somniis, sed et visibiliter carneis oculis mortuæ vivis appareant, et nunc poenam, nunc gloriam quam singula meruerunt exponant. Contigit aliquando unam optimæ apud omnes opinionis, relicto corpore ad cœlestia commigrasse. Diligebatur ab omnibus, sed ab una specialius colebatur. Instat precibus illis, ut ei vir-

gñis meritum divina pietas non celaret. Revoluto A amore. Interim coalescunt affectus. Sed ut sibi liberius colloquerentur vel se fruerentur uberior, de loco vel tempore in unam coiere sententiam. Abhincientibus itaque arma lucis, nox placebat obscurior. Publicum fugitibus locus secretior gratus habetur. Dat signum prædæ impiissimus prædo, ut ad sonitum lapidis quem vel in parietem vel teclum ædis in qua pausare consuevit, infelix se jactaturum promisit, de ejus adventu certissima egredetur ad eum. Ubi tunc, pater G., tuus in custodia disciplinæ vigilantissimus sensus? Ubi tot tam exquisita ad excludendam vitorum materiam machinamenta? Ubi tunc illa tam prudens, tam cauta, tam perspicax curâ, et circa singula ostia, fenestras, angulos tam fida custodia ut sinistris etiam spiritibus negari videretur accessus? Elusit totam industrian tuam, pater, una puella, quia nisi Dominus custodierit civitatem, frustra vigilat qui custodit eam (*Psal. cxxvi*). Fecisti, vir beate, fecisti quidquid potuit homo, quoniam sic expediebat. Sed sicut nemo potest corrigere quem Deus despexerit, ita nemo potest servare quem non ille servaverit. Et tu, infelix, quid agis? quid cogitas? quid tam attente aures ad tegulas erigis? Ubi timor, ubi amor, ubi illius sanctæ congregationis reverentia? ubi beati pontificis qui te huic monasterio tradidit suavis memoria? Nihil horum a tanto te revocat scelere. Deletis his omnibus, solus in corde turpis vivebat affectus. Surgis misera, pergis ad ostium. Conantem egredi vis diuina repellit; tentans iterum, sed nihil profecisti. Regressa modicum beatæ virginis solitas vigitas cum duodecim lectionibus celebrasti. Quid ultra tibi facere debuit Christus et non fecit? O mira cordis exæatio! Quid denuo moliris egressum? Ecce dimitteris instar Balaam secundum desideria cordis tui, ut eas in adinventionibus tuis. Oportet te duci in Babylonem, ibi forte curaberis. Quid plura? Heu! egreditur. Claudite aures, virgines Christi, oculos operite. Egreditur Christi virgo, adultera post modicum redditura. Egreditur, ei quasi columba seducta non habens cor, mox accipitris excipitur ungibus. Prosternitur, os ne clamaret obstruitur, et prius mente corrupta carne corrumpitur. Expertavoluptas nefas compulit iterare. Cum hæc sapientia gerentur, sorores sonitum quem crebro audiebant admirantes fraudem suspicabantur. Illa maxime patuit suspicioni, cuius mores omnibus solebant esse suspecti. Fuga etiam juvenis suspicionem adauxit. Cum enim concepisse se adultero prodidisset, timens ne et ipse proderetur, relicto monasterio ad sæculum ire perrexit. Tunc matronæ sapientiores pueram conveuiunt. Illa ulterius celare non valens confitetur excessum. Stupor autem apprehendit omnes que audiebant verbum. Exarsit mox zelus in ossibus earum, et aspicientes se mutuo, complisis manibus irruunt super eam: extractoque ab ejus capite velo, aliæ tradendam flammis, aliæ vivam excoriandam, aliæ impositam stipiti suppositis carbonibus assandan putarunt. Fervorem adolescentium

Pontificante in ecclesia Eboracensi sanctæ ac piaz recordationis Henrico, puella quedam quatuor ut putabatur annorum, ejusdem sancti patris precibus in eodem monasterio suscipitur nutrienda. Quæ mox ut infantilem excessit ætatem, cum puellaribus annis puerilarem induit lasciviam. Nullus ei circa religionem amor, nulla circa ordinem sollicitudo, circa Dei timorem nullus affectus. Petulans illi oculus, sermo indecens, lascivus incessus. Incedebat sacro tecta velamine, sed nihil tali dignum habitu prætendebat in opere. Corripitur verbis, sed non corrigitur; urgetur verberibus, sed non emendatur. Furabatur magistrarum oculis horas, ut vel indulgeret otio, vel signis inordinatis disflueret, aut vacaret fabulis, aut inutile aliiquid aliis suaderet. Disciplina ordinis premebatur, et ad exterioris hominum honestatem utcumque servandam cogebatur vita. Omnia ei ex timore constabant, ex amore nihil. Et jam nubilis facta, interioribus exteriora, otiosa quietis, seris ludicra præponebat. Accidit autem ut fratres monasterii quibus exteriorum commissa est cura, quidpiam operis facturi ingredierentur monasterium seminarum. Quod illa perpendens accessit propius, et curiosius ipsorum opera contemplabatur et vultus. Erat inter eos adolescens carteris formosior facie et ætate nitidior. Injecit in illum oculos misera, ipse vero intendebat in eam. Aspiciunt se oculo blandiori; et mox serpens tortuosus, utriusque pectus ingrediens, letiferum insibilat per cuncta vitalia virus. Res primum nutibus agitur, sed nutus sigua sequuntur. Tandem rupto silentio conserunt de amoris suavitate sermonem. Accendunt se mutuo, spargunt utrinque seminaria voluntatis, libidinis incentiva. Et ille stuprum meditatur, illa vero postea dicebat, de solo cogitabat

C

D

agerentur, sorores sonitum quem crebro audiebant admirantes fraudem suspicabantur. Illa maxime patuit suspicioni, cuius mores omnibus solebant esse suspecti. Fuga etiam juvenis suspicionem adauxit. Cum enim concepisse se adultero prodidisset, timens ne et ipse proderetur, relicto monasterio ad sæculum ire perrexit. Tunc matronæ sapientiores pueram conveuiunt. Illa ulterius celare non valens confitetur excessum. Stupor autem apprehendit omnes que audiebant verbum. Exarsit mox zelus in ossibus earum, et aspicientes se mutuo, complisis manibus irruunt super eam: extractoque ab ejus capite velo, aliæ tradendam flammis, aliæ vivam excoriandam, aliæ impositam stipiti suppositis carbonibus assandan putarunt. Fervorem adolescentium

compescebant matronæ. Attamen spoliatur, exten-
ditur, etiam absque ulla miseratione flagellis atte-
teritur. Præparato ergastulo vincitur, intruditur;
singulis pedibus duo annuli cum suis catenulis in-
ducuntur; quibus duæ non parvi ponderis catenæ
insertæ, quarum una immani trunko clavis infi-
gitur, altera per foramen extracta foris sera conclu-
ditur. Sustentatur pane et aqua; quotidianis oppro-
bris saturatur. Interca tumens uterus evolvit conce-
ptum. O quantus tunc erat luctus omnium! quanta
præcipue virginum lamenta sanctorum, quæ suo
timentes pudori unius crimen in omnibus metuunt
impingendum, etiam quasi jam expositas se omnium
oculis illudendas, quasi omnium traditas dentibus
corrodendas sentirent! Flebant omnes, flebant sim-
gula; nimioque dolore succensa iterum irruunt in
captivam. Et nisi maturiores conceptui pepercis-
sent, vix aliquando ab ejus poena quiescerent. Illa
universa hæc mala patienter sustinet, majoribus se
dignam claimat tormentis, credere se tamen cæ-
teras pro ejus infidelitate nihil mali passuras. Deli-
berant quid de his agendum. Si expelleretur, in
omnium hoc redundare infamiam, imminere quo non
parvum omnium animabus periculum, si destituta
solatio mater cum sobole mortis discrimen incur-
reret; si servarentur, partuæ non posse celari cla-
mabant. Tunc una: « Optimum, inquit, est, ut ne-
quissimo juveni sua meretrix adulterino fetu gravida
commendetur, ejusque dimittatur curse enjus con-
sensit nequitia. » Ad hæc infelix: « Si hoc vobis
poterit esse remedio, licet sciam hoc mihi futurum
exitio, ecce adolescens nocte illa, hora illa, in loco
uostre iniquitatis concio, mihi sicut promisit oc-
curreret; vestri tunc erit arbitrii me tradere illi. Si-
cū fuerit voluntas in cœlo, sic fiat. » Continuo ra-
piunt verbum de ore ejus. Jam jamque spirantes
ultionem iuvenem, querunt ab ea de omnibus
veritatem. Constitutæ illa, affirmans vera esse quæ
dixerat. Tunc magister congregationis, ascitis qui-
busdam e fratribus, rem aperit. Jubetque ut nocte
illa unus tectus velamine caput, designato loco se-
deret, alios occulæ præsentes adesse ut venientem
exciperent, atrectataque fustibus vincutum tene-
rent. Dicit et factum est ita. Adolescens quid cum
sua ageretur ignorans, non solum mente, sed etiam
habitu sæcularis, advenit. Et ardens libidine, mox
ut velamen asperit, sicut equus et mulus quibus
non est intellectus, irruit in virum quem seminam
esse putabat. At hi qui aderant, amarum ei cum
baculis conscientes antidotum, conceptam febrem
extinguunt. Res desertur ad virgines. Mox quadam
zelum Dei habentes etsi non secundum scientiam,
ulcisci cupientes virginitatis injuriam, petunt a fra-
tribus juvenem sibi per modicum tempus dimitti,
quasi secretum aliiquid ab eo cognitum. Suscepimus
ab eis, prosternitur ac tenetur. Adducitur quasi ad
spectaculum, illa malorum omnium causa: datur
ei in manibus instrumentum, ac propriis manibus
virum abscidere invita compellitur. Tunc una de

Astantibus, arreptis quibus ille fuerat elevatus, si-
cut erant foeda sanguine in ora peccatricis proje-
cit. Vides quo zelo urebant æmulatrices pudici-
tæ, insectatrices famunditæ, Christi præ omnibus
amatrices. Vides quo modo istum mutilando, iam
opprobriis et contumeliis insectando Christi ulci-
scuntur injuriam. Ecce gladius Levi, æmulatio Si-
meonis, qui violatæ castitatis ultores, nec circum-
cisio putant esse parcendum. Ecce zelus Phines sa-
cerdotis, qui æternum sacerdotium fornicantium
nece promeruerit. Hic etiam sapientia Salomonis
eluet, qui virginem Abisac ad concubitum postu-
lantem in proprium fratrem mortis sentientiam pro-
mulgavit. Non laudo factum sed zelum; nec probo
sanguinis effusionem, sed tantam contra turpititudi-
nem sanctorum virginum simulationem extollo.
Quid non paterentur, quid non facerent pro casti-
tate servanda, quæ tanta potuerunt pro ulciscenda?
Sed ut ad propositum redeamus. Abscitus fratri-
bus redditur, mulier in carcerem confusa retrudi-
tur. Hactenus misera mulier, infelicitatis tuæ histo-
riam scripsimus, deinceps quemadmodum super te
Christi stillaverit misericordissima pietas stylo pro-
sequamur; ubi enim abundavit peccatum super-
bundavit et gratia (Rom. v). Jam exacta ultione,
tepescente zelo, ad Christi vestigia sacræ virgines
provolvuntur. Pforant et orant, ut loco parceret,
vereundæ virginali consuleret, infamiae occurre-
ret, periculum propulsaret. Et illæ quidem quotidie
precibus et lacrymis divinam clementiam provoca-
bant. Peccatrix vero pia illa viscera Jesu doloribus
et opprobriis, contumeliis quoque quas patiebatur
commovetebat. O bone Jesu, qui omnipotentiam tuam
parcendo maxime et miserando manifestas: si te
præsente quondam in carne, una misera mulier
tanta afficeretur miseria, quæ ageret illud plium pe-
ctus, in quo sicut omnis sapientæ et scientiæ, ita
omnes thesauri misericordiæ quieverunt? Audiant
justi, et exsultent in conspectu Dei, et delictentur
in lætitia. Audiant peccatores, ut nunquam de illi-
bus bonitate desperent, qui sic exercet judicium ut
non deserat misericordiam. Respexisti, bone Jesu,
respexisti, et tot ancillarum tuarum æmulationem
et timorem, et unius peccatricis tuæ afflictionem.
Jam infans in ventre vivebat, lac ex uberibus uber-
tum fluebat; adeo etiam uterus intumescere videba-
tur ut putaret geminos paritaram. Plumbeus color
oculos circumfundit, faciem pallor invadit, et nunc
vacuatis humore mamillis, post modicum solito li-
quore replebantur. Jam eam vix capiebat ergastu-
lum, jam partui necessaria præparantur. Cavent
quantum possunt ne fletus infantis partum prodat.
Et ecce intempestæ noctis silentio cum se misera
sopori dedisset, videt in somniis assistere sibi pon-
tificem, per quem, ut prædictimus, in eodem mona-
sterio divinis est officiis mancipata, amictum pallio,
et monachico habitu subinduto. Cumque severiori
oculo aspiceret in eam: « Quid est, inquit, quod
me quotidie maledicis? » Negavit illa nimio timore

perterrita. Tunc sanctus : « Verum est, ait, cur ne-
gas? » Videns se deprehensam mulier, respondit :
« Vere domine, quia tu me huic monasterio tradi-
disti, in quo invenerunt me tanta mala. » Ad hæc
antistes : « Tibi hoc potius imputato quæ peccata
tua needum ut oportet patri spirituali propalasti.
Sed vide ut quam citius poteris confitearis, et hoc
a me suscipiens in mandatis, ut hos psalmos quoti-
die Christo decantes. » Et mox ei numerum et no-
men psalmorum describens disparuit. Evigilans illa,
et animæquior facta, visionem et psalmos commen-
dat memorie.

Sequenti vero nocte cum jam putaretur paritura,
et amara videretur horæ illius exspectatio, plus ta-
men timeretur ipsa partus editio, iterum venerabili
pontifex in somniis apparuit, desperanti duas
secum adducens venusta facie mulieres. Accessit
ad misericoriam præsul, et super genua sua capite ejus
supinato, pallio quo amiciebatur vultum operuit,
increpans eam et dicens : « Si fuisses vera confes-
sione purgata, cerneret manifeste ea quæ aguntur.
Nunc quidem senties beneficium, sed modum et qua-
litatem facti scire non poteris. » Erecta post modicum
videt mulieres infantem, ut sibi videbatur, candido
coopertum linteo in ulnis ferentes discedentem se-
qui pontificem, expergefacta nihil ponderis sen-
sit in ventre. Attractat manu corpus, et totum
vacuum reperitur. Mane autem facto, adsunt custo-
dos, respicientes in illam, vident detumuisse ute-
rum, vultum puellarem, ne dicam virginalem, in-
duisse decorum, oculos perspicaces, plumbeum
depositum colorem. Et mox quasi propriis non
credentes oculis : « Quid est hoc, inquiunt? An tot
sceleribus tuis et hoc addidisti, ut tuum interfice-
res infantem? » Statimque angustum ergastulum
illud in quo catenata sedebat evertunt. Nihil ibi la-
tere pateretur angustia carceris, supellectilis vilitas,
tenuitas stramentorum. « Et quid, inquiunt, misera,
num peperisti? » Ipsa se nescire respondit. « Et ubi
est, aiunt, infans tuus? » Respondit : « Nescio. »
Referensque visionem, nihil amplius se scire pro-
fessa est. Non credunt rei novitate perterritæ. Pal-
pant uterum, et ecce tumori successerat tanta graci-
llitas, ut dorso ventrem adhærere putares. Tentant
ubera, sed nihil humoris elicunt ex eis. Nec tamen
parcentes, fortius premunt, sed exprimunt nihil.
Per singulos artus currunt digiti, explorant omnia;
sed nullum signum partus, nullum conceptus indi-
cium repererunt. Vocantur aliae, et post illas aliae,
et unum inveniunt omnes. Sana omnia, munda
omnia, pulchra omnia; nihil tamen decernere, ni-
hil sine patris auctoritate judicare præsumunt. Ad-
huc tenetur in vinculis, adhuc circa pedes ferrum
durat, stridunt catenæ. Duos divinæ ministros cle-

A mentiæ sibi advenisse conspexit : et unus catenair
qua arctius stringebatur arrepta, socio comitate
discessit. Sorores vero advertentes mane deesse
catenam mirantur, causam inquirunt, audiunt, sed
parum credentes scrutatæ sunt omnem supellectilem
ejus, sed nihil inveniunt. Paulo post inveniunt de
ejus pedibus unum de vinculis cecidisse. Quod in-
venientes integrum, et in ea firmitate qua fuerat
fabribus instrumentis, pedibus ejus innexum, ad-
miratæ sunt valde. Sed quid multis morer? Eodem
ordine a ceteris absoluta, pes tantum unus uno
compede tenebatur. Interea sanctus pater adveniens,
cum evidenter signis ac veracissimis testibus om-
nia didicisset, sicut est miræ humilitatis homo,
meam parvitatem de his omnibus creditit consul-
lendam. Veniens igitur ad nostrum monasterium
servus Christi, cum mihi aperuisset secreto mira-
colum, rogat ut ancillis Christi meam non negarem
præsentiam. Libens annui. Cum vero tam me quam
itinoris mei socios humanissime ac jucundissime
suscepisset, imus ad cubiculum illud intra cubicu-
lum ubi illa in suo antro sedebat inclusa. Adsunt
plures tam virgines quam viduæ ævo jam graves,
sapientia et discretione pollentes, spectabiles san-
ctitate et in regularibus disciplinis multum exerci-
tatae. Quæ cum nobis omnia retulissent, cœpi com-
pedem propriis manibus attractare, intellexique
quod nec ab aliis nec ab ista sine Dei virtute pos-
set absolvi. Quædam autem nec dum timore depo-
sito quæsierunt a nobis, si alia ei vincula deberent
imponi. Prohibui, importunum hoc asserens, et
quoddam infidelitatis indicium. Exspectandum po-
tius, et sperandum quod is qui eam liberavit ab
aliis, ab hoc quoque quo adhuc tenetur eripiet.
Patre præterea præcipiente, relata sunt nobis multa
æterna memoria digna, quibus manifeste datur in-
telligi, quia beneplacitum est Domino super timen-
tes eum, etiam in eis qui sperant super misericor-
dia ejus. Igitur commendantes nos sanctis oratio-
nibus earum, et eas prout potuimus verbo Domini
consolantes, ad nostrum monasterium regressi
sumus, laudantes et glorificantes Dominum in om-
nibus quæ audivimus et vidimus, et sanctæ virgines
narraverunt nobis. Post paucos dies allatae sunt
nobis viri illius venerabilis litteræ, quibus signifi-
cavit nobis, illum quo eam invenimus vincitam com-
pedem cecidisse, et quid facto deinceps opus esset
meam indignitatem consuluit. Ego vero inter alia
hæc pauca verba rescripsi : *Quod Deus mundavit tu
ne commune dixeris; et quam ipse absolvit, tu ne li-
gaveris.* Hæc ideo tibi charissimo in eo longe ab his
partibus remoto maxime scriendum putavi, ut et
invidis occasionem tollerem, et tamen Christi glo-
riam non tacerem. Vale.

*Ex lict quoddam miraculum mirabile, descriptum a viro venerabili Ethelredo abbe Rievallensi, de quandam
sanctioniali femina de Wattun.*